



Bwrdd Cronfa Gymunedol y Loteri Genedlaethol

Cadeirydd Pwyllgor Cyllido Cymru

Cefndir

Diben craidd Cronfa Gymunedol y Loteri Genedlaethol yw cefnogi pobl a chymunedau i ffynnu. Caiff hyn ei gyflawni drwy ei Fframwaith Strategol, Pobl yn Arwain.

Y Gronfa yw'r cyllidwr mwyaf o weithgarwch cymunedol yn y DU. Bob blwyddyn, caiff £600m o gyllid a godir gan chwaraewyr y Loteri Genedlaethol eu dosbarthu. Ers ei sefydlu, mae'r Gronfa wedi dosbarthu arian i ystod eang o brosiectau ledled Cymru. Gwneir hyn drwy nifer o wahanol raglenni grant. Yng Nghymru yn 2018/19 gwnaethom ddyfarnu 706 o grantiau gwerth £31.3m. Mae'r grantiau hyn yn amrywio o gynllun grantiau bach sy'n canolbwyntio ar y gymuned, Arian i Bawb y Loteri Genedlaethol Cymru, sy'n rhoi grantiau o hyd at £10,000, i'n cynllun grant mwy Pobl a Lleoedd sy'n rhoi grantiau o hyd at £500,000, a chynlluniau grant thematig mawr sydd fel arfer yn canolbwyntio ar bwnc, er enghraifft pobl ifanc neu ieuchyd meddwl. Mae manylion yr ystod o raglenni yr ydym yn eu hariannu i'w gweld yma: <https://www.tnlcommunityfund.org.uk/welsh/funding>

Ar hyn o bryd, rydym yn chwilio am gadeirydd newydd Pwyllgor Cymru, a fydd hefyd yn aelod o Fwrdd Cronfa Gymunedol y Loteri Genedlaethol. Mae hwn yn adeg pan fyddwn ni fel sefydliad yn cefnogi cymunedau ledled y DU i addasu i'r pandemig coronafeirws ac i wella ohono. Mae hefyd yn adeg pan fydd portffolio Cymru'n dechrau datblygu ymatebion i themâu digartrefedd a gwydnwch ieuencid, a chynllunio ar gyfer 2021 a thu hwnt, cryfhau ein cysylltiadau â chymunedau ledled Cymru a dod â phobl at ei gilydd i rannu eu profiad a dysgu.

Mae hyn yn cael ei adlewyrchu ar draws y Gronfa gan fod y sefydliad wedi mynd drwy gyfnod o newid a datblygu, gan ei wneud mewn sefyllfa dda i gyflawni'r cynlluniau uchelgeisiol i gyflawni diben y Gronfa: cefnogi pobl a chymunedau i ffynnu. Mae gan y

Gronfa lawer o'r blociau adeiladu ar waith ac mae'n ymdrechu i ddysgu, arloesi a gwella'n barhaus er mwyn ychwanegu hyd yn oed mwy o werth at gymdeithas sifil a bywyd cyhoeddus. Mae'r Gronfa mewn sefyllfa unigryw i weithredu fel sbardun, dod â phobl at ei gilydd a gwneud cysylltiadau rhwng ymarferwyr a llunwyr polisi.

Y sefydliad

Sefydlir Cronfa Gymunedol y Loteri Genedlaethol fel corff cyhoeddus anadrannol gan Ddeddf Seneddol. Mae'r Bwrdd yn gyfrifol am gyfeiriad strategol cyffredinol y Gronfa, fel y nodir yn ei Fframwaith Strategol, Pobl yn Arwain ac am lywodraethu'r Gronfa.

Dirprwyir penderfyniadau ariannu i bum pwyllgor ariannu (y DU, Cymru, Lloegr, Gogledd Iwerddon a'r Alban), Swyddogion Gweithredol, ac ar adegau pwyllgorau arbenigol, gyda'r Bwrdd yn cadw goruchwyliaeth strategol ar gyfer cyflawni fframwaith strategol y Gronfa: Pobl yn Arwain, a chyfrifoldeb llywodraethu.

Yr Adran Ddigidol, Diwylliant, Cyfryngau a Chwaraeon a'r gweinyddiaethau datganoledig yng Nghymru, Gogledd Iwerddon a'r Alban sy'n gyfrifol am bolisi Cronfa Gymunedol y Loteri Genedlaethol, gan gynnwys pennu cyfarwyddiadau polisi. Llywodraeth Cymru sy'n gyfrifol am bolisi Cronfa Gymunedol y Loteri Genedlaethol yng Nghymru, gan gynnwys pennu cyfarwyddiadau polisi.

Gallwch ddod o hyd i ragor o wybodaeth am [Fframwaith Strategol](#) y Gronfa Pobl yn Arwain a'i [rhaglenni](#) ar [ein gwefan](#).

Y rôl - Cadeirydd Pwyllgor Cymru

- Cytuno ar gyfeiriad strategol y portffolio i ddarparu Pobl yn Arwain yng Nghymru ar y cyd â'r pwyllgor a'r tîm gweithredol.
- Sicrhau bod y Bwrdd yn ymgysylltu ac yn ymwybodol o faterion a chyfleoedd allweddol sy'n effeithio ar waith y Gronfa yng Nghymru.
- Dod â mewnwelediad a safbwynt i'r weithrediaeth er mwyn gwella effaith y Gronfa drwy ddulliau ariannu o'r radd flaenaf.
- Sicrhau bod penderfyniadau rhaglenni a chyllid yn cyd-fynd â fframwaith atebolrwydd y Gronfa, a gynghorir gan y weithrediaeth.
- Llunio a chynnal grŵp o aelodau pwyllgor amrywiol o ansawdd uchel sydd â gwybodaeth a dealltwriaeth briodol o fywyd cymunedol a chyhoeddus ledled Cymru.

- Sicrhau bod y pwyllgor yn gweithredu'n unigol ac ar y cyd i'r safonau a'r perfformiad uchaf.
- Goruchwyllo penderfyniadau ar geisiadau ariannu mawr yn uniongyrchol neu drwy bwyllgorau arbenigol.
- Adolygu ac ystyried cyflwr a datblygiad portffolio Cymru.
- Gweithredu fel llysgennad Cronfa Gymunedol y Loteri Genedlaethol yng Nghymru ac, ar adegau, y DU.
- Gallwch ddod o hyd i ragor o wybodaeth am aelodau presennol pwyllgor Cymru ar ein gwefan [yma](#)

Mae rôl y Bwrdd i'w gweld yn Atodiad A

Y person

Hanfodol

Bydd angen i bob ymgeisydd ddangos yn ei gais ei fod yn bodloni'r rhan fwyaf o'r meini prawf hanfodol canlynol i safon uchel:

- Dealltwriaeth briodol o'r sector Cymunedol, Gwirfoddol a Mentrau Cymdeithasol yng Nghymru a'r gallu i ymgysylltu ag uwch randdeiliaid ynddo ynghyd ag uwch randdeiliaid yn y sectorau cyhoeddus a phreifat.
- Profiad o gyllid elusennol a chymunedol.
- Profiad helaeth o weithredu fel rhywun anweithredol, a'r gallu i weithredu fel Cadeirydd
- Dealltwriaeth o reoli portffolios, ariannu penderfyniadau a goruchwyllo ar lefel uwch.
- Cyfathrebu o'r radd flaenaf a sgiliau rhyngbersonol gyda'r gallu i herio'n adeiladol.
- Ymrwymiad i wella amrywiaeth a chynhwysiant.
- Dealltwriaeth o bwysigrwydd yr iaith Gymraeg a'r gofynion deddfwriaethol perthnasol.

Dymunol

- Profiad o wneud penderfyniadau mewn portffolio ariannu ar raddfa debyg
- Ymrwymiad i egwyddorion llywodraethu corfforaethol, cysondeb ac atebolrwydd mewn perthynas â'r cyrff cyhoeddus anadrannol.

Ymrwymiad Amser

Mae'r Bwrdd yn cyfarfod bob chwarter, gan gynnwys cyfarfod deuddydd gydag arhosiad dros nos. Mae diwrnod Bwrdd a Phwyllgor hefyd unwaith y flwyddyn. Cynhelir cyfarfodydd yn Llundain a lleoliad arall yn y DU unwaith neu ddwywaith y flwyddyn o bosibl; felly mae angen rhywfaint o deithio i fynychu cyfarfodydd ledled y DU.

Mae Pwyllgor Cymru yn cyfarfod bob chwarter ynghyd â dau ddiwrnod ychwanegol i ffwrdd y flwyddyn. Yn ogystal, fel aelod o'r Bwrdd a Chadeirydd Cymru byddwch yn cyfarfod â phartneriaid strategol, yn mynychu digwyddiadau ac yn cynrychioli'r Gronfa.

Mae aelodau'r Bwrdd a'r Pwyllgor hefyd yn rhoi cymorth a chynghor anffurfiol i'r weithrediaeth gan ddefnyddio eu harbenigedd penodol ac weithiau maent yn cynrychioli'r Gronfa mewn digwyddiadau neu'n cynorthwyo'r Gronfa gyda rhwydweithio. Bydd ymrwymiad amser penodol aelodau unigol o'r Bwrdd yn fater i'w drafod gyda'r Cadeirydd.

Gall yr ymrwymiad amser fod hyd at 60 diwrnod y flwyddyn.

Tâl

Y tâl fydd £24000 y flwyddyn. Nid yw'r rôl yn bensiynadwy. Telir treuliau.

Hyd y Penodiad

Mae'r penodiad am hyd at bedair blynedd. Gellir ail-benodi am ail dymor, yn ôl disgresiwn Ysgrifennydd Gwladol dros yr Adran Ddigidol, Diwylliant, Cyfryngau a Chwaraeon.

Math o Benodiad

Mae gan yr Ysgrifennydd Gwladol dros yr Adran Ddigidol, Diwylliant, Cyfryngau a Chwaraeon gyfrifoldeb ffurfiol dros benodi aelodau'r Bwrdd. Yn unol â Chod Ymarfer 'Y Comisiynydd Penodiadau Cyhoeddus' ar gyfer Penodiadau gan Weinidogion i Gyrrff Cyhoeddus bydd Ysgrifennydd Gwladol dros yr Adran

Ddigidol, Diwylliant, Cyfryngau a Chwaraeon yn cael gwybod am gynnydd y broses penodiadau cyhoeddus a bydd yn gyfrifol am y penodiad cyhoeddus fel yr awdurdod penodi.

ATODIADAU:

A - Rôl y Bwrdd

B - Fframwaith Strategol: Pobl yn Arwain

ATODIAD A

Rôl y Bwrdd

Mae'r Cadeirydd yn arwain Bwrdd o hyd at 12 aelod a benodwyd gan yr Ysgrifennydd Gwladol dros yr Adran Ddigidol, Diwylliant, Cyfryngau a Chwaraeon. Rôl y Bwrdd yw:

Pennu strategaeth a pholisi cyffredinol

- Cytuno ar strategaeth hirdymor a pholisïau allweddol y sefydliad.

Atebolrwydd

- Sicrhau'r safonau llywodraethu uchaf a bod y bwrdd a'i bwyllgorau yn cyflawni eu cyfrifoldebau.
- Arsylwi'r Saith Egwyddor Bywyd Cyhoeddus a Chod Ymddygiad Swyddfa'r Cabinet ar gyfer cyrff cyhoeddus anadrannol, cydymffurfio â'r holl gyfrifoldebau statudol a dangos ei fod wedi cyflawni ei gyfrifoldebau i'r cyhoedd ac i'r Senedd.

Herio a chefnogi'r weithrediaeth

- Dal y tîm gweithredol yn atebol am berfformiad cyffredinol y sefydliad yn erbyn amcanion strategol tymor hwy y cytunwyd arnynt.
- Dewis a chefnogi'r Prif Weithredwr, bod yn ffynhonnell ddoeth o arweiniad a chynghor, a herio a chefnogi'r weithrediaeth.

Effeithiolrwydd

- Cytuno ar gyllideb a chynllun gweithredu blynyddol y Gronfa, monitro cynnydd a chymeradwyo camau unioni.
- Cytuno ar ddosbarthiad arian rhwng y gwledydd (gan gynnwys cyllid ar gyfer y DU gyfan).
- Sicrhau bod risg yn cael ei rheoli a'i monitro.

Llysgenhadol/enw da

- Bod yn llysgenhadon i'r sefydliad, o fewn canllawiau y cytunwyd arnynt gan y bwrdd a'r weithrediaeth.
- Gwella a diogelu enw da'r Gronfa.

ATODIAD B

Ein Fframwaith Strategol **Pobl yn Arwain**

Ein diben Rydym yn cefnogi pobl a chymunedau i ffynnu.

Ein fframwaith strategol Pan fydd pobl yn arwain, mae cymunedau'n ffynnu.

Mae pobl yn deall yr hyn sydd ei angen yn eu cymunedau yn well na neb. Rydym yn gwrandio, yn cydweithio ac yn ariannu fel bod pethau da'n digwydd.

Dyna pam rydym yn falch o ddyfarnu arian a godir gan chwaraewyr y Loteri Genedlaethol ar draws y DU.

Ein nodau ar waith Mae Cronfa Gymunedol y Loteri Genedlaethol yn cefnogi syniadau a phrosiectau sydd o bwys i bobl a chymunedau.

Rydym yn defnyddio ein cyllid a'n perthnasoedd i helpu i greu cymunedau cryfach a mwy cysylltiedig.

Mae elusennau a sefydliadau cymunedol ar draws y DU yn fywiog, yn amrywiol ac yn weithgar.

Mae Cronfa Gymunedol y Loteri Genedlaethol yn cael ei gwerthfawrogi, ei

hymddiried ynnddi ac mae'n effeithlon.

Ein hegwyddorion Byddwn yn cael ein harwain yn y dewisiadau a wnawn gan gyfres o egwyddorion:

Ar gyfer pawb Mae ein cyllid yn agored i bob cymuned beth bynnag yw eu man cychwyn ac rydym yn deall y bydd angen cymorth ychwanegol ar rai.

Cryfderau pobl Rydym yn dechrau gyda'r hyn y gall pobl ei gyfrannu, a'r potensial yn eu syniad.

Catalydd i bobl eraill Rydym yn gwrando ar y pethau sy'n bwysig i bobl, cymunedau a'n partneriaid, yn dysgu oddi arnynt ac yn eu hwyluso.

ATODIAD B

Cyfeiriad a rennir, dulliau amrywiol Rydym yn gwerthfawrogi amrywiaeth y cymunedau rydym yn gweithio gyda nhw ar draws y DU, rydym yn gyson o ran ansawdd y cyfleoedd a gynigiwn, ac yn cefnogi pobl i daclo anghydraddoldebau.

Hyder, nid rheolaeth Rydym yn ymddiried yng ngallu pobl i wneud i bethau gwych ddigwydd, gan gredu y dylai ein cyllid alluogi yn hytrach na rheoli.

Prosesau syml, barnau da Rydym yn defnyddio prosesau syml a chymesur sy'n ein galluogi i ffurfio barn dda.

Defnyddio adnoddau'n dda Rydym yn gwneud dewisiadau gwybodus am yr adnoddau a roddir i ni gan chwaraewyr y Loteri Genedlaethol: gyda gwybodaeth, gyda phobl a gydag arian, ac mewn ffordd sy'n amgylcheddol gynaliadwy.